

## NORMAS DE PARTICIPACIÓN NA FESTA DAS PEPITAS 2020

- 1.- Os /as compoñentes das Rondallas non poderán ter un número inferior a vintecinco.
- 2.- Os seus compoñentes deberán vestir o traxe tradicional para esta festa (capa, camisa, lazo ou semellante, bufanda e cintas ou escarapelas na capa)
- 3.- A música da Festa das *Pepitas* ten un timbre característico que é o resultado que lle dá o conxunto dos instrumentos de corda que acompañan ás voces dos (roldadores/roldadoras), guitarras, laúdes, mandolinas e bandurras. Co fin de que este timbre característico siga perdurando, as roldas participantes terán necesariamente que estar configuradas con estes instrumentos, aínda que poderían complementarse con outros de apoio, como violíns, frautas, acordeóns, etc.
- 4.- As roldas interpretarán obrigatoriamente un pasarrúas, un vals e una danza, que poderán ser obras inéditas ou ben temas recuperados do antigo “Cancioneiro das *Pepitas*”. No caso de ser recuperados só os textos para poñerlle unha nova música, non poderá modificarse o título primitivo da súa composición nin a data, pero si poderase engadir a nova data e o nome do novo autor da música.

Nas partituras se indicará os nomes dos autores da música e da letra así como a data das mesmas.

As Rondallas que non cumpran con este punto na súa totalidade, seranlles devoltas as partituras e daráselles un prazo de **5 días hábiles** para rectificalas. No caso de que non o fixesen no prazo indicado non poderán participar na *Festa das Pepitas* ese ano.

5.- As roldas participantes comprométense a entregar no Departamento de Festas (no momento da inscrición) as partituras dos temas que vaian interpretar (letra e música), a parte de toda a documentación requerida (historial de a Rondalla, fotografía da Rondalla, fotografía da Madriña-Padriño, folla de inscrición), co obxecto de ser supervisadas polo persoal cualificado, que verificará se cumpren cos requisitos antes indicados.

6.- O prazo de inscrición será de **10 (dez)** días hábiles dende o seguinte á exposición destas normas no taboleiro de anuncios do Concello, así como a web municipal.

7.- As Rondallas participantes comprométense a acatar as normas que estableza o Comité Organizador, o que estará formado por:

Presidente: concelleiro delegado de Festas

Vogais:

- *Agrupación Artística Ferrolana Añoranzas*
- *Círculo Mercantil e Industrial Club de Campo de Ferrol*
- *Agrupación Artística Ferrolana Bohemios*
- *Asociación Cultural Rondalla Sonidos del Alba*
- *Rondalla So Elas*

8.- Coa finalidade de que a festa musical do *Día das Pepitas* gañe en calidade cada ano o Comité organizador poderá negar a participación dalgunha das agrupacións que, segundo o seu criterio, non achegue o nivel musical axeitado.

9.- Establécese unha homenaxe as persoas das Rondallas do Concello de Ferrol, con vinte e cinco anos ou máis de dedicación á *Festa das Pepitas*. Para os efectos, o Comité organizador nomeará cada ano, despois de examinadas as propostas das Rondallas, que en ningún caso superará un número de tres homenaxeados.

Como se trata de premiar os anos de dedicación á festa musical ferrolá por excelencia, podería darse o caso de que os homenaxeados pertencen todos á mesma Rondalla.

10.- Establécese tamén un homenaxe aos letristas e as persoas que derón música as letras das cancións, terán que ter un número mínimo de 15 cancións escritas ou musicadas, este homenaxe será en anos alternos (un ano letrista e outro músico).

11.- As presentes normas serán expostas no taboleiro de anuncios do Concello e poderanse consultar no páxina web do Concello así como a folla de inscrición.

Ferrol, na data da sinatura dixital

O concelleiro delegado de Cultura, Educación, Universidade, Deportes e Festas,

Asdo. Antonio Golpe



## **FOLLA DE INSCRICIÓN “PEPITAS 2020”**

**NOME DA ENTIDADE**

**ÑÚMERO DE COMPOÑENTES**

**NOME DA MADRIÑA**

**NOME DO/A PRESIDENTE/A**

**NOME DO/A DIRECTOR/A**

**DATOS DO REPRESENTANTE**

**NOME/APELIDOS**

**CIF/NIF**

**ENDEREZO**

**CONCELLO**

**E-MAIL**

**TELÉFONO**

Ferrol,

**TODA A DOCUMENTACIÓN QUE PRESENTEN DEBERÁ ESTAR ESCRITA EN GALEGO**